



11/22.



Y b
484



255 Suppl.
N, # 22.

1, 972. N, 324.



2

Shur vnd **F**ür-
sten des Hauses Sachsen/
Wie sie zu Freybergk in Weissen/
in der Thumbkirchen / zu vnser lieben
Krawen / begraben liegen / allda auff Mes-
senen Taffeln zubefinden / wie sie geheis-
sen / wenn sie gestorben / vnd wie alt
ein jedes worden.



Leipzig /

Im Jahr

1688. D. C. iiij.

Handwritten text at the top of the page, possibly a title or header.

Der gottehulliche

In dem Jahr 1521
 Durch den hochwirdigen
 Fürstlichen Rat
 In der Stadt
 ...



Der gottehulliche

In dem Jahr 1521
 Durch den hochwirdigen
 Fürstlichen Rat
 In der Stadt
 ...

Handwritten text at the bottom of the page, possibly a signature or date.





I.

Hertzog Heinrich.

Nach man zehlet 1541.
den 18. Augusti / ist vorschieden der
Durchlaucht vnd Hochgeborne
Fürst vnd Herr / Herr Heinrich /
Herzog zu Sachsen / Landgraff in
Düringen / vnd Marggraff zu Meissen / hie be-
graben / dem Gott gnade.

II.

Hertzog Moritz Churfürst.

Nach der Geburt vnsers Erlösers vnd Sel-
igmachers Ihesu Christi 1521. ist der
Durchlauchtigste vnd Hochgeborne Fürst vnd
Herr / Herzog Moritz auff diese Welt geboren /
vnd widerumb sein leben seliglichen beschlossen im
Jahr 1553. den 11. Julij / da er denn Christlichen
vnd wol regiert hat 12. Jahr / vnd darinne 13. Zü-
ge gethan / die er alle mit gutem Glück vnd Sieg

a ij

voll

vollbracht hat / biß er den letzten Zug auff der
Lüneburger Heyden mit einer eysernen Kugel ge-
schossen worden / vnd den dritten tag hernach
Christlichen vnd seliglichen verstorben / Seines
alters in dem X X X I I. Jahr / I I I. Monat / X X I.
tage / X. stunden / Deme Gott gnade / der wolle
ihn auch am jüngsten tage mit allen Seligen wi-
derumb erwecken zum ewigen leben / Amen.

III.

Hertzog Augustus Churfürst.

In Jahr 1586. den 1. Februarij des abends
vmb 6. Hora, ist in Gott seliglich verschieden
der Durchlauchtigste Hochgeborne Fürst vnd
Herr / Herr Augustus, Hertzog zu Sachsen / des
heiligen Römischen Reichs Erzmarschalch / vnd
Churfürst / Landgraff in Thüringen / Marg-
graff zu Meissen / vnd Burggraff zu Magde-
burg / welchem Gott eine fröliche Auferstehung
zur ewigen Seligkeit verleihe / Amen.

IV.

Hertzog Christianus Churfürst /
der erste dieses Namens.

Im

In Jahr 1591. den 25. Septembris, des mor-
gens umb 7. vhr / ist in Gott seliglichen vor-
schieden der Durchlauchtigste Hochgeborne Fürst
vnd Herr / Herr Christian / Herzog zu Sachsen/
des Heiligen Römischen Reichs Erbmarschalch/
vnd Churfürst / Landgraff in Thüringen / Marg-
graff zu Meissen / vnd Burggraff zu Magdeburg/
welchem Gott umb seines Sohns Jesu Christi wil-
len eine fröliche Auferstehung zur ewigen freude
vnd Seligkeit verleihe / Amen.

V.

Herzog Alexander.

Herzog Alexander, Augusti Herzogen zu
Sachsen / Churfürsten / vnd des Heiligen
Römischen Reichs Erbmarschallen : vnd Frau
Annen geborne aus Königlichem Stamm Den-
nemarck Sohn / stirbet zu Dresden den 15. Octo-
bris, im Jahr nach Christi Geburt 1566. Als
er gelebet hatte XI. Jahr / IX. Monat / vnd XV.
tage / vnd VII. stunden.

VI.

Herzog Hans Heinrich.

a iij

Des

D Es Durchlachtigsten Hochgeborenen Für-
sten vnd Herrn / Herrn Augusti, Herzog-
gen zu Sachsen / erstgeborener Sohn Hans Hein-
rich / seines alters X X V I I. wochen / V. tage / ent-
schlieff in Gott im 1550. Jahr / den 12. Nouem-
bris, seine Seele lebet für vnd für / so wird sich der
Leib auch durch Gott vnuerweslich vnd verflert
freyen ewiglich.

VII.

Hertzog Magnus.

A Anno 1558. den 6. Nouembris, ist Herzog
Magnus, des Churfürsten zu Sachsen Her-
zogs Augusti dritter Sohn / seines alters I I I.
Jahr / V I. wochen / I. tag / seliglich gestorben / vnd
schlefft allhier in seinem Ruhebettlein / biß der
Herr Christus ihn sampt allen gleubigen er-
wecken / vnd zu sich in das ewige Leben nemen
wird.

VIII.

Hertzog Joachim.

A Anno 1557. den 21. Nouembris, ist des Durch-
lachtigsten / Hochgeborenen Fürsten vnd
Herrn /

Herrn / Herrn Augusti vierder Sohn / Herzog
Joachim / seines alters XXVIII. wochen / VI. tage /
im Herrn entschlaffen / ligt allhier begraben / vnd
wartet der frölichen erscheinung Jesu Christi / wel-
cher Leib vnd Seele zusammen bringen / vnd mit
sich in die ewige Freude vnd Seligkeit führen
wird.

IX.

Hertzog Hector.

A Anno 1558. den 4. Aprilis, starb zu Dresz-
den des Durchlachtigsten Hochgebornen
Churfürsten Herzogs Augusti fünffter Sohn /
Herzog Hector / seines alters I. Jahr / XXV.
wochen / V. tage / vnd leit allhie begraben / des
Seele lebet für vnd für / vnd wird der Leib durch
Christum vnuerweslich vnd verfleret herfür
gehen / vnd mit ihme ewiglich leben.

X.

Hertzog Augustus / Iunior.

A Vgustus der Jünger / Herzog zu Sachsen /
des Durchlachtigsten / Hochgebornen Für-
sten

sten vnd Herrn / Herrn Augusti, Herzogen
vnd Churfürsten zu Sachsen siebender Sohn/
ist geborn zu Dresden / den 23. Octobris, 1569.
vnd widerumb verschieden den 21. Februarij, An-
no 1570. seines alters X V I. wochen / welchem
Gott vmb Jesu Christi willen eine fröliche Außer-
stehung verleihen wolle / Amen.

X I.

Hertzog Adolphus.

D Es Durchlauchtigsten Hochgebornen Für-
sten vnd Herrn / Herrn Augusti, Herzogen
vnd Churfürsten zu Sachsen achter Sohn / Her-
zog Adolphus / ist geborn zum Stolpen / den 8.
Julij, im 71. Ist verschieden zu Dresden den 12. Mar-
tij im 72. Seines alters X X X V. wochen / vnd
III. tage / deme Gott eine fröliche Außerstehung/
vnd ewige Seeligkeit verleihen wolle.

X II.

Hertzog Friederich.

D Es Durchlauchtigsten Hochgebornen Für-
sten vnd Herrn / Herrn Augusti, Herzo-
gen

gen vnd Churfürsten zu Sachsen neunder Sohn/
Herzog Friederich / ist geborn zur Anneburg
den 18. tag Junij Anno 1575. Vnd daselbst wide-
rumb in Gott seliglichen entschlaffen den 24. Ja-
nuarij, Anno 1576. hat also gelebet XXXI. wo-
chen/III. tage/ vnd XX. stunden / welchen Gott
zur ewigen freude vnd Seligkeit widerumb erwe-
cken wolle.

XIII.

Herzog Albrecht.

In Jahr 1546. Montags nach Iudica. ist des
Durchlauchtigsten Hochgeborenen Fürsten
Herzog Morizen zu Sachsen erstgebornen Sohn
Herzog Albrecht / seines alters XIX. wochen
II. tage/ in Gott entschlaffen / vnd allhier begra-
ben / welches Allmacht vmb seines lieben Soh-
nes Jesu Christi willen ihme die ewige freude vnd
Seligkeit genediglich verleihe / Amen.

XIV.

Fraw Catharina die Herzog
Heinrichen zu Sachsen.

JVX

b

Anno

Anno 1561. den 6. Junij ist die Durchlauchtigste
ge Hochgeborne Fürstin vnd Fraw / Fraw
Catharina / geborne Herzogin zu Meichelburg/
Herzogin zu Sachsen / Landgräffin in Dürin-
gen / Marggräffin zu Meissen / Herzog Hein-
richs zu Sachsen / hochlöblicher vnd seliger ge-
dechnuß / Gemahl / seliglich im HErrn entschlaf-
fen / derer Seele Gott genade / Vnd leit allhier be-
graben.

XV.

**Fraw Anna Churfürstin zu
Sachsen.**

In Jahr 1585. den 1. Octobris, des Abends
nach 7. vhr / ist die Durchlauchtigste / Hoch-
geborne Fürstin vnd Fraw / Fraw Anna / ge-
borne aus Königlichem Stamm Dennemarck /
Landgräffin in Düringen / Marggräffin zu
Meissen / vnd Burggräffin zu Magdeburg /
Churfürsten Augusten / Christmilder gedechtniß /
Gemahl / zu Dresden in Gott entschlaffen / wel-
cher Gott die ewige freude vnd Seeligkeit gne-
diglich verleihe / Amen.

XVI.

XVI.

Fraw Sydonia / Herzog Erichs
von Braunschweig Ge-
mahl.

Die Durchlauchtige / Hochgeborne Fürstin
vnd Fraw / Fraw Sydonia / geborne Herzo-
gin zu Sachsen / Herzogs Heinrichs / seliger ge-
dehntnuß / Tochter / vnd Herzogs / Erichen zu
Braunschweig Gemahl / ward allhier zu Frenberg
geboren den 8. Martij, im Jahr 1518. entschieff
in Gott seliglichen zu Weiffensels den 4. Januarij
Anno 1575. hat auff dieser Welt gelebet LVII.
Jahr XLIII. wochen / I. tag vnd IX. stunden /
Derer Seelen der Allmechtige Gott eine fröliche
vrsend zur ewigen Seligkeit verleihe.

XVII.

Fräwlein Leonora.

Des Durchlauchtigsten Hochgebornen Für-
sten vnd Herrn / Herrn Augusti, Herzo-
gen zu Sachsen / erstgebornes Fräwlein Leonora /

b ij

ihres

ihres alters anderthalb Jahr / entschlieff in Gott
den 24. tag Aprilis, des 1553. Jahrs / vnd ihre
Seele lebet für vnd für / so wird sich der Leib auch
durch Gott vnuerweslich vnd verfleret / frewen
ewiglich.

XVIII.

Fräwlein Maria.

D Es Durchlauchtigsten / Hochgebornen
Fürsten vnd Herrn / Herrn Augusti, Her-
zogen vnd Churfürsten zu Sachsen / drittes Frew-
lein Maria / geborn im Jahr 1562. den 8. tag
des Merken / ist im Herrn seliglich verschieden
im Jahr 1566. den 6. tag des Jemmers / welcher der
ewige Sohn Gottes vmb seiner heiligen Auffer-
stehung willen / am jüngsten tage eine fröliche auff-
erstehung verleihen wolle.

XIX.

Fräwlein Amalia.

D Es Durchlauchtigsten / Hochgebornen
Fürsten vnd Herrn / Herrn Augusti, Her-

Bogen

Bogen vnd Churfürsten zu Sachsen fünfftes Freu-
lein Amalia / geborn im Jahr 1565. den 28. tag
des Juners / ist im HErrn entschlaffen im Jahr
1565. den andern tag des Neumondens / welchem
der HErr Christus eine fröliche aufferstehung
verleihen / vnd das ewige Leben geben wolle.

XX.

Fräwlein Anna Sabina / Chur-
fürsten Christian erstes Freu-
lein.

D Es Durchlauchtigsten / Hochgebornen Für-
sten vnd Herrn / Herrn Christiani des er-
sten / Herkogen vnd Churfürsten zu Sachsen /
erstes Frewlein Anna Sabina / geborn zu Dres-
den im Jahr 1586. den 25. Ianuarij, des Mor-
gens vmb 5. Hora, ist daselbst im HErrn entschlaf-
fen im selbigen Jahre / den 24. Martij des Mor-
gens nach 6. Hora, welcher der HErr Christus ei-
ne fröliche aufferstehung am jüngsten tage verlei-
hen wolle.

XXI.

Frewlein Elisabeth / Hertzog
Christiani Frewlein.

b iij

Des

D Es Durchlauchtigsten / Hochgebornen Für-
sten vnd Herrn / Herrn Christiani des er-
sten / Herzogen vnd Churfürsten zu Sachsen /
drittes Frewlein / Elisabeth / geboren im Jahr
1588. den 21. Iulij. Ist in Gott verschieden im fol-
genden Jahre / den 4. Maii / welches Leib vnd
Seele Gott am jüngsten tage wider zu-
sammen bringen / vnd in ewige
frewde einführen
wird.


Kom bald HErr Jesu / Amen.





Leipzig/
Gedruckt bey Michael Cantzen-
berger.

In verlegung Michael Rothen / Buchhänd-
lers zu Chemnitz.



In der
 Vorrede des Herrn
 ...

In der
 ...





2/4. 489.

ULB Halle 3
004 971 434


VD17

MIC





sten
Wie
in der
Krawen
senen
sen/

ur=
chsen/
Deissen/
er lieben
auff des
geheis
ie alt

